

PRIMA SESSIONE URDINARIA DI U 2018  
1<sup>ERE</sup> SESSION ORDINAIRE DE 2018

RIUNIONE DI U 26 È DI U 27 D'APRILE  
REUNION DES 26 ET 27 AVRIL

2018/O1/18

DUMANDA À BOCCA SPOSTA DA Mma ANGELINI BURESI Vannina

À nome di u gruppu « CORSICA LIBERA »

Question déposée par Mme Vannina ANGELINI BURESI

Au nom du groupe "CORSICA LIBERA"

OGETTU : CARTULA MARCATI PUBLICHI.

O sgìò Presidente,

U 30 d'ottobre di u 2015, l'inziana maiurità di l'Assemblea di Corsica, l'ADEC è i sirvizi di u Statu par via di u prifettu, zifravanu una cartula di a cummandu publica in lu settore di u bastimentu di i travagli pubblici.

Hè stata intesa chì sta cartula ghjuvaria da aiutà l'imprese lucale da ch'ella sia più faciule par elle da risponde à e cummande pubbliche.

Għejje stata decisa à l'accorta, ùn ripigliaraghju micca tutti i punti listinati nentru à sta cartula, ma solu certi :

- Di fà u più pubblicità pussibbule da chì l'imprese vidissinu in tempu e pruposte ;
- Di mette in piazza un'aiutu da risponde à e dumande di l'impresarii da risponde cum'ellu si deve à e cummande ;
- D'aiutà à empie u cartularu appena pisivu, pò esse, par certe imprese micca avvezze ;
- D'aiutà à amparà à empie issu listessu cartularu di manera infurmatica, sapendu oghje chì d'ottobre di u 2018 tutti i pieghi saranu accittati solu « smaterializati » ;
- Chì l'imprese averianu a pussibbiltà dinò d'avè una visione nantu à a programmazione di e cummande nantu à 6 mesi...

In un siconda tempu sta cartula s'indava à spiecà di manera precisa à l'imprese micca ritenute u parchè ch'elle eranu state scartate è di fà opara di pedagugia cù l'imprese e più chjuche da incuragi le à addunisce si cù d altre par risponde à i marcati troppu impurtanti par elle sole.

In fattu, o Sgiò presidente di l'esecutivu, più di dui anni dopu issa zifra, chì bilanciu ne pudete fà ?

Par i punti chì ùn sarianu ancu messi in anda, è da fà rispittà issa cartula in tantu di a cartula nova privista par uttobre, saria pussibile di mette in piazza un dispositivu cù e sfarente camere di cummerciu è mistieru, da infurmà è furmà e nostre imprese lucale à spessu e più chjuche è micca avvezze ?

Infine, par a custruzione di a cartula nova privista par uttobre, di chì manera cuntate di favorizà l'impiecu lucale (generalizzazione di e clausole d'inserzione, infurmazione, furmazione eccetera) ?